

مسکن شادکام

سر ۶ ۱ ۳۰ ۳ ۱ ۳

والله يهدي من يشاء الى صراط مستقيم دینی ، علمی ، ادبی ، سیاسی هفته‌ای مجموعه اسلامی در
اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۱-۸

۱۹ رجب ۱۳۳۰ پنجشنبه ۲۱ حزیران ۱۳۲۸

عدد ۱۸-۲۰۰

طبیعتك قارئین اسلامیہ طائفتہ بریلسی و لغاً تقدیم اولئان بش آدرسہ تبرع طریقہ سبیل الرشاد رسالہ لرینک ارسالی استرحام اولئور . رجاءك لطفاً اسعاف بویوریلہ جفندن امینز . سلام علیکم .

سبیل الرشاد

هرشیدن اول اشبو مکتوب ویا مقاله صاحبی ذاتك حسیات عالیجنابانه سبیلہ حمیت اسلامیہ سنی تقدیر ایدر و توصیہ لرینک حسن ایفاسنه چالیسه جغمزى قویاً وعد ایلرز . ذاتاً بز سبیل الرشاده قونیلہ جق اولان اعلاناتدن کار چیقارمق طرفدارى دکنز ، یالکنز اکا صرف ایدیلہ جک اولان کاغد ، مرتبہ ، طبیعہ وسائر مصارفك تأمینیلہ اکتفا وقاعا ایدرز . اگر طمعکار ویا خود باره عاشق اولسیدق ، بزہ پک چوق کتیریلن اجنبیلرک اعلانیلرینی درج ونشر ایتک صورتیلہ بو امنیه مزه نائل اولوردق . چه فائده که مسلمان متشبث ، تجار واصنافز بوفدا کارلغمزى تقدیر ایتورلر . یوقسه بز انلرک اعلاناتی پک اوجوز ورقابت قبول ایتز بر صورتده جریده مزه درج ایدر ایدک .

بوندن بشقه ، سبیل الرشادی ایلروده یکریمی ددرت صحیفه یی محتوی اولوق اوزره توسیع ایتک ایستورز که بودرت صحیفه یی کاملاً اسلام تجارتکاهلرینه حضر ایتک نیتندہ یز .

محترم مسلمان قارداشمزک رسالہ مزه قارشى اولان توجہلرینه بتون صمیمیت قلبمزلہ تشکرلر ایدرز . ملفوف آدرسله بوهفته دن اعتباراً آلتیشر آبلق آبونه قیداولئوب ارسالاته باشلانمشدر . طبیعیلرک اعلانیلرینی ده کله جک نسخهدن اعتباراً اعلان ایدم جکیز .

غریب تصادف ، بالاده کی مکتوبی آلدیغمز صیره ده اتیده کی مکتوبی ده آلدق :

سبیل الرشاد صریده اسلامیہ سی اداره خانه

محترم افندم

بنده کز سبیل الرشاد رسالہ کزیده سنه آبونہ لیجیم . معافیہ نشر معارف اسلامیہ برمعاونت ناچیزانہم اولوق اوزره ۳۵ غروش باپوسته کوندردم . بونلرله مناسب کوره جکیز طرفه آلتی آی مدتلہ رسالہ منہ کورده یی کوندردم کزى استرحام ایلرم .

جناب حق مساعده ایدرسه ولو مورانه اولسون ایلریده ده بوبابده امریکیزه اماده اوله جقمی عرض ایلرم . [تعاونوا .] نص جلیلی بز محض مبشر سعادت زدر . باقی احترام .

الای ۳۱ طابور ۲ ک

صوفیلو

بوزباشی

حسین

بو محترم وجدائی عسکر سبیل الرشادی عاشق عرفان برمسلمانانه هدیه صورتیلہ کوندردم سنی توصیہ ایدیور وپاره سنک کدی جیب حیتندن تسویه ایدیلہ جکنی بیلدیر یورکه بوتشبث وتصوری جداً سزاوار تقدیردر . سبیل الرشاد بو محترم قارداشمزه صمیمی تشکراتی تقدیم ایدر . سبیل الرشاد اداره سی برچوق مستحقین اسلامیہ بجاناً جریده یی توزیع

ایدیور اسه ده ، بو توزیعات حد ذاتنده محدود بوانه جنى طبیعی در . چونکه بز مایه جغمز فدا کارلقلر باشقه جهتلرده در . بودجه مز مساعده اولسه یدی دها پک چوق مستحقینه ، مثلاً بتون اسلام مدرسه لرینه جریده یی بجاناً کوندروب ، مملکتک حقیقی وصاف اولادلرینک تنویر وانتباهنه خدمت ایدردک . نه چاره که ممکن اوله مایور . معافیہ سبیل الرشادک ایتدیکی فداکارلانی ظن ایدرسه ک محترم قارئلر مز شهبه سز تقدیر بیورورلر . کوریلورکه جریده مزک مندرجاتنه ، طبعنه ، نفاسنه من کل الوجوه اعتنا ودقت ایدیلکده وقارئلر مزى دها زیاده ممنون ایتک ایچون بو آنه قدر هیچ برعثمانلی غزته سی طرفندن یا بیامیان فداکارلاری ده اختیار ایتکدن چکنمیه رک هندستانه صورت مخصوصه ده هیئت تحریریه مزک اک دکرلی براعضاسنی بیلہ کوندردم کده در .

محترم حسین پک قارداشمزک آرزوی عالیلرینی یرینه کتیرمک ایچون دارالشفقه اسلامیہ ایلک نسخهدن اعتباراً برآبونه قیداولئوش ومنتشر نسخهلر کوندردمشدر .

سیاست

ملاحظات متنوعه

وظیفه محسنه ترافالغار قهرمانی مشهور آمرال نلسون محاربه ده قصور کیجیلرینه ، عسکرلرینه شویله برخطابده بولنمشیدی : « انکلتره ، هر انکلیرک کندی وظیفه وطنیه سنی ایفا ایتسینی ، بککر . »

بو سوزک تأثیری ترافالغار محاربه سنی قزانیدردی ؛ بو سوزک حالاده انکلیرلر آره سنده دستور افعال اوله رق حکمنی اجرا ایلدیکنی ایشیدییورز . بزده دخی حال حرب حکم سوردیکی شو زمانده هر کس کندیسنه اصابت ایدن وظیفه وطنیه یی ایفا ایلش اولسه بربحران سیاسی تهلکه سی احداثه دائر اولان کافه تدابیر بدخواهانه حکم سز قالور . امر ترقی وتمندنه چکیلن مشکلات مانعه نک باشلیجه سبی هر طرفه اجرای وظیفه خصوصنده کوستریلن تراخی وتسیبدر . آمرال نلسونک برعصر مقدم انکلیرلره ایتدیکی وصیتی بزده طوته بیلسه ک مخاطرات ماحوظه ومرویه دن هیچده قورقومز قالماز .

حقیقتاً بز تهلکه دن پک می قورقیورز ؟

اوت ، حتی تهلکه روایتندن بیلہ اورکیورز ؛ کندیمز قورقدیغمز کی اخوان وطنیه مزدن اوکزه راست کلنلری ده قورقوتمغه چالشیورز . طبیعی بو حالدن اک زیاده مستفید اولانلر اغیار خارجیه وطنیه مزدر . مایه سی تهلکه لر ایچنده یوغورلش ، تهلکه ایچنده ادامه استقلال ایلش برملت افرادی ایچون جداً شین عد اولنه جق بویله برحالت روحیه یه طولمشز . وطنپرورلک وظیفه مردانه سی اولسه اولسه دیلزده بولنیور .

بر صنف کسبسی اولیان بر مملکتده حرقت و صناعتهک اداره سی نه قدرده حمایت رسمیه مظهر اولسه ینه لایقینه انشراح بوله ماز . بوکون بزده اشخاصک بر برینه اعتمادی همان یوق کیدر . دور سابقک سیات تجسسیه سی هر کوکلده سوء تلقی ، سوء ظن و سوء نیت حسلرینک کوکلشمسینه سبب اولمش . بر آدم ایچون قوه اعتمادیه سی ضعیف بولمق فنا بر خالدر ؛ فقط اعتمادی دعوت واکتساب ایده مه مک داهافنا بر خالدر . کسب تجاری و صناعی ده ترقی لاجرم اشخاص آره سنده حس رقابت او یاندیرر . رقابت ده غبطه ایله قاریشدر لماساق لازم کلور . غبطه ایله اشخاص یکدیگرینه قارشی منع للخیر کسلورلر . نته کیم بور دات اجتماعیه نک رواجندن طولای متضرر اولوب کیتمکده در . رقابت ایسه - مجرب اولدینی اوزره - چوق کره اعتمادی احداث و رقبا کسبیه نک اشتراکی انتاج ایله بیلور . و بناء علیه سرمایه وجوده کتورر . بو یوک کار و تمتع ایشلرینک طولی سرمایه لر ایله حصول بولدینی دخی معلومدر . ایمدی مسلمانلر کسبه تشریک مساعیه ده محتاجدرلر . بزده مسلمانلر اکثریتله یا عمله یا چفتچی طاقدنددرلر و یا دولت خدمته کیرمشلدر . اصحاب املاک بیلر ته و مأموریت یا قالمق هوسندن تنزیه نفس ایده مامشلدر . بو حال اخلاق سیاسی مزه ی پک بوزمش ، حالاده بوزیور . کوچوک ، بو یوک بیکلرجه کیمسه لر کیسه دولتدن آیده بر - و یا ممکنسه بر قاج - معاش چیقاره بیلیمک ایچون هر تشبئی مشروع صایه جق بر حرص کوسترلرلر . بوندن طولای اولمق کرکدرکه ایچمزه کافی مقدارده حقیقی رجال امور رسمیه ده یتشمه مش ؛ زورا کی رجل دولت پیدا اولماز . هم ده بو خصوصده کی حس استرقاب نابینانه بر غرور ، ساخته طور ایللق ، چیلغینه بر هوس تقدم کی حالات مذمومه دخی تولید ایلشدر . بزده کار و کسبه سلوک ایدنلر فی الواقع بر مدتدیری کورنمکه باشلادی . فقط احتیاجات مزه نصفاً اولسون آنلردن تدارک ایده بیلر جکمز زمان مع التأسف هنوز ادراک ایدیلر مه جک قدر بعیددر . او مسلمان کار و کسب اصحابنده دائماً بر حال رخاوت و بطائت مشهوددر . آزدن باشلوب بر غیرت متمرده ایله توسیع معامله ایده بیلیمک ایچون لازم کلن شوق بزم مسلمان اهل کسبک حالنده کوریلر میور . هله تنظیم اموره ، اقتضای زمانه کوره تجده ، تنظیم تجارتگاهه ، طهارت تلبسه ، تطیب و جذب مشتری ایچون الزم اولان تراکت و جمیله رعایت بزمکیلر ده پک آز کورونیور . انسان اوافق بر سپارش ایچون بر فرنگ اهل کسبه مراجعت ایتسه - صاحب معارف و عرفان اولمقله برابر - معاملاتی واسع و غنی اولان او اهل کسب مشتری مووجه سنده عادتاً بر تربیه خدامانه ایله و بیک زحمت اختیاریه حرکت ایدر ، مخبره سنده دخی او بولده بر طرز استعمال ایلر . « آله جقه سک آل آلمیه جق ایسه ک دفع اول » طورنده معامله ایتک بزم ارباب کسبدن بر چوغنک حالی اکیدرر . یازقلر اولسون !

§

حسبات قلبیه یی کشف ایده بیلن اصحاب تدقیق قلبلر مزده هوسات ذاتیه نک ، احتراصات نفسانیه نک مافوق الطبیعه انشراحندن متولد حسبات سفلیه دن ماعدا برشی بوله ماز . بو مقوله امراض مغویه تأثیراتندن خلیجه مصون بر صنفمز واردی که دنیاده باقی قاله بیلن استقلال سیاسی اسلامیتک خادم یکانه سی ایدی : اوده صنف عسکری . آنک شجاعت درجه سنده قیمتدار اولان نظامپرستلکنک ، حیثیورر . لکنک - ولو که قسماً اولسون - دوچار خلل اولماسی مطلوب امت ایکن شو حرب زماننده بویه بر خلل روایاتی ایشتمکده معذب اولیورز . سوین ایتالیا سوین ! سکا یاقیشان آنارشی و شورش افعالی بزده ده اول احداث اولمق ایستیلیور ! بد طیفیلر آره سینه صاچدیردیغک پاره لرک نه قدرده تأثیر مسحرانه سی وار ایش ؟

§

اجنبی مسلمانلرینک طرابلس غرب حربینک بدایتدن بری دول اجنبیه اعانه لری تابعیتده بولن مسلمانلردن مغدورین حرب عائله لری و یا هلال احمر نامه بر چوق اعانات کلدی . او مسلمانلرک تابع اولدقلری دولتلرک بوراده کی سفارتلرینه منسوب ترجمانلری طرفندن مبالغ اعانه یی حاوی چکلرک صدارت مستشارلنی ایله دیگر بر ایکی دائرة رسمیه تودیع ایدلر کی غزته لده کوردک . کذلک مقدار اعاناتی حاوی لیسته لری ینه غزته لده او قودق . جمع و درج اعانات خصوصنده هر مملکتده مخصوص تقییدات نظامیه بولنماش اولسه هیچ شبهه یوقدرکه دولت عثمانیه نک تدارکات اسباب تدافیه سینه مدار اولمق اوزره بر چوق اعانات دها کله بیلوردی . هر ایلیکه مقابله ده بولمق لزومی آشکاردر . بزه کی مقابله ده بولنیورز ؟ ممالک سائر اسلامیه دن مذکور اعانه لری کوندرنلرک اسملرینی یا لکیز غزته لر مزه درج ایتک کافی دکلدر . اعانه یی ویرنلرک و یا کوندرنلرک هویتلری تمامیه بیلنمک و ممکن اولدینی قدر کندیلرله مخبریه کیریشیلوب هر دفعه کی اعانه مقابلنده مدالیه ایله ، قیمت ماده و یا مغویه سی بولن هدایا ایله کندیلرینه مقابله جمیله کارانه کوسرتمک اقتضا ایلر . پاره لری آلدقن صوکره تراکت سیاسی و جانی اهل ایلک پک چیرکین و حتی پک مضر بر قصوردر . یاردجیلری کوسدیرمیه لم ، احتیاج استقبالی ده نظر دفته آله لم .

§

مسلمانلرده ممتاز بر اهل کسب صنغی توره مدکجه اخلاق سیاسی مزده شوق تجارت لایقلی بر صلاح وقوعه کله جکمه قانع دکل . بزده تاجر صنغی تربیه اجتماعی و سیاسی جه ذوات متحیزه امتدن عد اونان نیجه ارباب کسبه تصادف اولنه کلدیکی کی کرک طبقات اصیلیه دن ، کرک صنوف رسمیه دن کسب و تجارت سلوک ایدنلر ده بولنور . اوت ، اهل کسب و تجارتک ترقی و تزیادی اخلاق سیاسی مزه صلاحنه چوق یاردم ایدر . متادی سعی و امک صرفیه کندیسنی و عائله سنی ذلت احتیاج و تبعیتدن قورتارمق فیکره بر استقلال مشروع بخش ایلر . ممتاز

طاشلرینه وارنجیه قدر يك چوق معمولات و محصولات هندستانی نائل شهرت و رغبت اولمشیدی . ایلك ، ایك و سائر ایتالیا محصولات ارضیه و تجاریه سی هندستانده کثرتله صرف و استهلاك اولنیوردی . ایتالیانلر بو خصوصی تقدیر ایدرك اخیراً (دی روباتینو) قومپانیه سی طرفدن هر هفته بومبایه برایتالیان واپوری کوندرمه و اوراده بر آجسته خانه تأسیسنده موفق اولمشلردی . بو واپورلر انکلز پوسته و یوک و واپورلرله سائر انکلز قومپانیه لریه منسوب اولان واپورلر رقابت اتمک باشلانجه انکلزلر آثار حدت کوسترمک ایستدیلر . فقط ایتالیانلر قارشو مسلمانلرک برحس تقدیری اولدیغندن ، انکلزلرجه ایتالیانلر طوقونولدی . بو ایتالیان قومپانیه سی یولجی و یوک نقلاتی سایه سنده سنوی یوز بیك لیرا صافی کار تأمین ایدیوردی . بومبایه و بالعموم هندستانده ایتالیانلرک کاری چوغلمغه باشلادقدن صکره هندستانده ایتالیان تبعه سنک عددی ده چوغالمش هندستانک هیچ بر نقطه سنده برتک قونسوس یوگیکن ، اخیراً هندستانک سواحل جنوبیه سی تشکیل ایدن بومبای ، مدراس ، رنغون ، قالدکوت کبی مواقعه ایتالیا حکومتی طرفدن کوریلن لزوم اوزرینه بر قونسوس دخی تعیین وسوق اولمشدر . ایتالیا بو کیدیشه بر قاج سنه صکره هندستانده دهشتلی بر نفوذ تأمین ایده بیلیردی .

لکن سرسم ، مغرور ایتالیا حکومتی توربغه کبی یتیشوب مانده اولق آرزوسنی تعقیب ایدرك ، بردن بره بویومک وایمپراطورلق تشکیل اتمک سودای خام و خیال باطلنه دوشهرك آفرقای عثمانی بی ضبط و استیلا هوسیه دولت عثمانیه وطولایسیله بوتون ملل اسلامییه ایله روابط دوستانه سی کسیدی . مسلمانلری کندیسنه حقیقی جان دشمنی ایتدی . طرابلسده وبنغازیده هیچ بر خلط ایده مدیکی کبی ، مسلمانلرله اولان تجارتی ده غائب ایدوب اوده کی برنجندن ده اولدی . هندیلر ، ایتالیانلر قارشو اوقدر متهیج و متفر اولدیلرکه صرتلرینه کیدکلی جا کتلك آستارلری - که ایتالیا معمولاتندن بولنیوردی - پرتوب یره آتیوردیلر . ایتالیا کیلرینه ، یولجی ، یوک ویرلمه مک باشلانیدی . ایتالیا سفائن تجاریه سی تنزهه چیقمش کبی پالمودن بومبایه بوش کلیر کیدر اولدیلر . خلاصه ایتالیانک مقارنه لریه ، مرمر طاشلرینه برریلان وهیکل دیسیسه و تزویر کبی باقیلیدی . هندستانده کی ایتالیانلر لغت و نفرین ایدلمک باشلادی . بونلر فراری قراره ترجیح ایدوب تکرار کندی ملعون مملکتلرینه دفع اولوب کیتدیلر .

ایتالیانک تجارت یوزندن هندستانده کی سنوی ضیاعی هان بش میلیون انکلز لیراسنی تجاوز ایدیورکه ، بومبلغ صرف کار اوله رق فقیر و سفیل ایتالیانلر هند مسلمانلری طرفدن تأمین اولنیوردی . ایتالیانلرک ، یالکز هندستانه دکل ، ممالک اسلامییه هر طرفه کلیتله سوق ایلدکلی امتعه تجاریه یه بویوک برضربه اورولدی . ایرانده ، مصرده ، تونس و جزائرده ، بوتون افریقاده کی منافع اقتصادی

مسلمان قارشو اعصار قدیم دن بری جهل مسلمانک مسلمان قارشو مسلمان حرب ایتسنده کی عدم جوازک شیوعنه مانع اولمشدر . بیلیم که اخوت بین الاقوام حقنده کی احکام معقوله اسلامییه دها نه زمانه قدر ادراک ایدیله میه جک . معلومدرکه ایتالیانلر مصوعی یدتمک کچوردکن صوکره حبشیلر ایله محاربه یه کیریشمشلر ایدی . آدوا محاربه سنده کی هزیمتلی اوزرینه مصوع وحوالیسی اهالی اسلامییه سندن و «عسکری» دینیلن یرلی نفرات مأجوره دن بش یوز قدری حبشیلرک الله اسیر دوشنجه نجاتی حبشی بویولی نفراتی همجنس خیانته اتهام ایلدی والریله آیقلری خزان قطع ایتدیردی ، ایتالیانلر محاربه حاضرده دخی بویولردن مرکب برچوق قطعات عسکریه یی طرابلس وبنغازی به سوق ایلدیلرکه ایوم محارباتده کزیده ایلری سوریلن عسکر بواریتالی نفراتدر . بونلر آرمه سنده بر مسلمان دولته قارشو حرب ایدلکیکنک فرقه واروبده آثار ناخشنودی اراده ایلنلر بولندیغنی مقصدما آوروپا غزته لرند اوقومش ایدک . لکن عسا کر مذکورک قسم کلیسی جهل تام ایچنده بولندیغندن ایتالیا ایچون علیهنده سلاح قولاندقلی دولتک عالم اسلامده کی موقعی ادراک ایلیمه مزلر . سیاست خارجییه مزده دورینک کوسترن مأمورلر کافی درجه ده بولنسه ایدی دها مذكور یرلی عسکرلرک مواقع حربیه یه سوقدن اول مملکتلرینه ناصحلر کوندریلور و احوال ایضاح اولنه بیلوردی . مبادی حربیه بوخصوص ایچون مصوع طرفلرینه کوندریله بیله جک اذکیای مسلمین بوانه . بیله جکی مصرده بولنان موقعی مهم بر مأمور مزه اخطار ایدلمش و فقط فصله لایقیله ماهیت مسئله تقدیر اولنه مامشدر . یازقلر اولسون !

چ - ش - ز

عثمانی - ایتالیا محاربه سی

عالم اسلامده تأثیراتی

محاربه حاضرک عموم کره ارض اهالیسنه آز چوق شمول و تعلق اولدیغنه شبه یوقدر . بونلر دن بعضیلری طوغریدن طوغری به علاقه دار بولنیورلر . بو علاقه دارانک بر قسمی دولت علیه عثمانیه یه و یک آز قسمی ده ایتالیا یه مربوطدرلر . محاربه دن اول ایتالیا حکومتی بوتون یریوزنده یشایان اقوام و عناصر اسلامییه نظرند ضرر سنز و فقط اکتساب ثروت و مکننت اتمک میاں بر قوم و حکومت اولدینی جهته محترم بر موقع احراز ایتمشیدی .

بویوزدن مسلمانلر طرفدن ایتالیا یه اولدجه منفعتلر تأمین ایدیلوردی . مثلاً هندستانده ایتالیا تجارتی شو صوک سنلر طرفنده رواج بولش و کسب اهمیت ایتمشیدی . ایتالیانک مقارنه لرندن مرمر